

Javna ustanova Osnovna Škola „Mirsad Prnjavorac“, ul. Jošanička br.51, 71320 Vogošća (u daljnjem tekstu: Naručilac) koju zastupa direktorica Sabiha Salčin, i

„SUPERNOVA“ d.o.o. Dolina bb, 72220 Zavidovići (u daljnjem tekstu: Izvršilac), koje zastupa direktor Kemal Fejzić

Na osnovu provedenog postupka za dodjelu ugovora putem direktnog sporazuma za nabavku usluga zaštite od požara u skladu sa članom 90. Zakona o javnim nabavkama BiH (“Službeni glasnik BiH” broj: 39/14), Pravilnika o direktnom sporazumu JU OŠ “Mirsad Prnjavorac” Vogošća i Odluke o dodjeli ugovora broj: 01-313-2/19 od 13.03.2019. godine, gore navedena pravna lica zaključuju:

UGOVOR

o pružanju usluga servisa dojave požara

Član 1.

Predmet ovog ugovora je redovno servisiranje sistema :

1. REDOVNO GODIŠNJE ODRŽAVANJE SISTEMA DOJAVE POŽARA, servis svakih 6 (šest) mjeseci u skladu sa Zakonom o zaštiti od požara i vatrogastva Federacije BiH (“Službene novine FBiH”, broj 64/09). Cijena jednog šestomjesečnog servisa iznosi 450,00 KM (slovima: četiristotinepedeset KM) bez PDV-a, odnosno 526,50 KM (slovima: petstotinadvjestošezdeset i 50/100 KM) sa PDV-om.

na Objektu OŠ “MIRSAD PRNJAVORAC” u Vogošći.

Član 2.

Izvođač će svaki šest mjeseci izvršiti servisiranje sistema navedenih u Članu 1. ovog ugovora. Servis obuhvata :

- Provjera funkcionalnosti rada automatskih detektora požara u sistemu dojave požara
- Provjera funkcionalnosti rada ručnih javljača požara u sistemu dojave požara
- Provjera rada sirena u sistemu dojave požara
- Provjera funkcionalnosti ulazno/izlaznih modula uz monitoring izvršenja funkcije prema "trećim" sistemima
- Provjera rezervnog baterijskog napajanja centrale sistema dojave požara
- Provjera signalizacije kvara na centrali izvrštanjem automatskih detektora iz podnožja
- Sačinjavanje Zapisnika o izvršenom pregledu sa eksplicitno navedenim eventualnim greškama u sistemu i definisanim aktivnostima potrebnim za dovođenje sistema u potpuno ispravno stanje. Pomenuti Zapisnik se dostavlja uz fakturu
- Telefonska dostupnost i asistencija 24/7

Član 3.

Ugovorne strane su saglasne plaćanje vršiti u roku od 15 (petnaest) dana od dana dostavljanja fakture i zapisnika o izvršenom redovnom servisu.

Član 4.

Izvođač će po potrebi obavljati i vanredno servisiranje sistema (otklanjanje kvarova koji nisu tretirani garantnim rokom, proširenja sistema...) navedenih u Članu 1. Ovog ugovora. Za vanredno obavljanje servisa Izvođač će izvršiti uslugu prema važećem cjenovniku rezervnih dijelova na dan izvršenja servisa (Ponuda Izvođača prihvaćena od strane Naručioca). Radni sat Izvođača pri vanrednom servisu je 35,00K M/h .

Naručilac će Izvođaču po izvršenom vanrednom servisu izvršiti plaćanje u roku 15 (petnaest) dana po dostavi uredne dokumentacije (zapisnik o izvršenom vanrednom servisu i faktura).

Za svaki zamjenjeni dio Izvođač daje garanciju u trajanju od 12 (dvanaest) mjeseci od dana izvršenja vanrednog servisa.

Član 5.

U slučaju potrebe za vanrednom intervencijom Izvođač se obavezuje da će izaći na objekat i intervenisati u roku od 3 (tri) sata od trenutka obavještenja o potrebi intervencije i prihvatanja Ponude.

Ukoliko je to moguće Izvođač će sve probleme rješavati uz telefonsku asistenciju osoblju Naručioca.

Izvođač ne može pristupiti vanrednim radovima dok ne uputi pismenu ponudu Naručiocu i Naručilac ne prihvati istu.

Član 6.

Izvođač je dužan da pismeno obavijesti Naručioca o datumu dolaska na redovno servisiranje 7 (sedam) dana ranije a Naručilac je obavezan na najavu odgovoriti pismenim putem.

Član 7.

Trajnost ovog Ugovora je 1 (jedna) godina, a primjenjuje se se od 13.03.2019. godine. U slučaju da jedna od ugovornih strana nije zadovoljna saradnjom može raskinuti ugovor pismenim obavještenjem o tome drugoj strani. Otkazni rok ne može biti kraći od 30 (trideset) dana.

Član 8.

Sve sporove ugovorne strane će rješavati sporazumno, a ako u tome ne uspiju nadležan je sud u Sarajevu.

Član 9.

Ugovor stupa na snagu danom potpisivanja od strane obje ugovorne strane.

Član 10.

Ovaj ugovor je sačinjen u 4 (četiri) istovjetna primjerka od kojih svaka strana zadržava po dva primjerka.

Za Izvršioca usluga- DIREKTOR

Kemal Fejzić

Broj: 1P-306/2019

Datum: 13.03.2019.



Za Naručioca- DIREKTORICA ŠKOLE

Sabina Salčin, prof./

Broj: 01-313-3/19

Datum: 13.03.2019. godine

